

04 JUL 2000

AGONG KIRIM PERUTUSAN TAHNIAH KEPADA PRESIDEN VENEZUELA

KUALA LUMPUR, 4 Julai (Bernama) -- Yang di-Pertuan Agong Sultan Salahuddin Abdul Aziz Shah telah mengirim perutusan tahniah kepada Presiden Venezuela Hugo Rafael Chavez Frias sempena Hari Kemerdekaan negara itu esok.

Dalam perutusan itu hari ini, Seri Paduka berharap semoga Venezuela terus menikmati keamanan, kemajuan dan kemakmuran.

Perdana Menteri Datuk Seri Dr Mahathir Mohamad menghantar perutusan yang serupa kepada Frias sambil berkata Malaysia dan Venezuela mempunyai hubungan persahabatan dan kerjasama yang akrab.

"Marilah kita memperkukuhkan lagi hubungan dan kerjasama hasil lawatan Tuan ke Malaysia tahun lalu," kata Dr Mahathir.

Menteri Luar Datuk Seri Syed Hamid Albar dalam perutusan kepada rakan sejawatannya Dr Jose Vicente Rangel berkata beliau menaruh harapan untuk bekerjasama rapat dengan Rangel bagi memperkukuhkan lagi hubungan dua hala.

-- BERNAMA

RZS AHH FAZ